

Erf.: Auzo Alkateen Ordenantza hasikeraz onartzeko espedientea.
Tx. zk.: 2021/78

Karmele Muñoa Arrigain andreak, Bermeoko Udaleko Idazkaritza Saileko Administrazio Orokorreko teknikariak, idazkari akzidental funtzinoetan, jarraian zehazten dan gaiari buruz egiten dot honako

TXOSTENA

Gaia: Bermeoko Auzo Alkateen Ordenantza onartzea.

Espediente tramitatzailerak: Idazkaritza saila

Espediente zenbakia: IDA_ERA_0179 (2021)

Txostenaren oinarria: Toki Erakundeen Izaera Nazionaleko Gaikuntzadun Funtzionarioen Araubide Juridikoa onartzen duen martxoaren 16ko 128/2018 Errege Dekretuaren 3.3.d.1 artikulua

Aurrekariak

Lehena.- 2021eko uztailaren 12ko idazkaritza saileko Administrazio Orokorreko Teknikariaren erabaki proposamenaren arabera Bermeoko Auzo Alkateen Ordenantza onartzeko beharrezkoa dago.

Bigarrena.- 2021eko ekainaren 7tik 22ra arte kontsulta publikoa egin da Bermeoko udaleko webgunean, konpondu nahi diren arazoak egokitasuna, helburua eta beste aukera erregulatzialeak azalduz.

Hlugarrena.- 2021eko uztailaren 12ko idazkaritza saileko Administrazio Orokorreko Teknikariak egindako proposamenaren arabera kontsulta publikoan ez da ekarpenik jaso.

Laugarrena.- 2021eko uztailaren 12an, idazkaritza saileko Administrazio Orokorreko Teknikariak erabaki proposamenaren arabera Bermeoko Auzo Alkateen Ordenantza onartzeko proposamena egin du.



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E5000738DA00G2V3A9N8C9K0

Sinadurea eta data

MIREN KARMELE MUÑO AARRIGAIN-IDAZKARI AKZIDENTALA - 12/07/2021
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 12/07/2021
14:03:05

EXPEDIENTE ::
2021IDA_ERA_0179
Data: 12/07/2021
Lekua: Bermeon
Erregistro unidatea:
Erregistro nagusia

CSV: 07E5000738DA00G2V3A9N8C9K0



Oinarri juridikoak

1. Aplikagarria den araudia

- Apirilaren 2ko 7/1985 Legea, Toki Araubidearen Oinarriak Arautzen dituen (4.1.a, 22.2.d, 25, 49, 65.2, 70.2 artikulua)
- 1955eko ekainaren 17ko Dekretua, Toki erakundeen zerbitzuen araudia onartzen duena (23-29 artikulua)
- Apirilaren 18ko 781/1986 Legegintzako Errege Dekretua, Toki erakundeen lege xedapenen Testu Bateratua onartzen duena. (56 artikulua)
- Urriaren 1eko 39/2015 Administrazio Publikoen Administrazio Prozedimendu Erkidearen Legea (128,129 eta 133 artikulua)

2. Azterketa juridikoa

A) Oinarrizko kontzeptuak

Toki Araubidearen Oinarriak Arautzen dituen 7/1985 Legeak 4.1. a artikuluan eta Administrazio Publikoen Administrazio Prozedimendu Erkidearen 39/2015 Legearen 128.artikuluan aitortzen da udalek duten eskumena araudiak egiteko eta autoorganizatorako. Hori horrela, Bermeoko Udalak bere eskumenen inguruan legeek ezarritakoa garatu dezake izaera orokorreko xedapen administratiboen bitartez, zeintzuk beti legea errespetatu behar duten.

Hori horrela, zuzena da Bermeoko Auzo Alkateen araudia landu, izapidetu eta onartzea.

Araudia onartzeko nahitaez 39/2015 Legearen 129. artikuluan ezartzen diren printzipioak errespetatu behar dira espediente guztian zehar, hau da, beharrezana, efikazia, proportzionaltasuna, segurtasun juridikoa, gardentasuna eta efizientzia printzipioak.

Kuantifikatu eta balioetsi behar dira ordenantzaren eragin eta erreperkusioak, baldin eta gastu eta sarrerak suposatzen baditu, bai gaur egun, bai etorkizunean. Hori



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E5000738DA00G2V3A9N8C9K0

Sinadurea eta data

MIREN KARMELE MUÑOZA ARRIGAIN-IDAZKARI AKZIDENTALA - 12/07/2021
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 12/07/2021
14:03:05

EXPEDIENTE ::
2021IDA_ERA_0179
Data: 12/07/2021
Lekua: Bermeon
Erregistro unidatea:
Erregistro nagusia



guztia aurrekontuaren egonkortasuna eta finantza iraunkortasunaren printzipioak betetzeko.

B) Jarraitu beharreko prozedura

39/2015 Legearen 132 eta 133. artikulua, 781/1986 Legegintzako Errege Dekretuaren 56. artikulua eta 7/1985 Legearen 49 eta 70. artikulua kontuan hartuta prozedura hurrengoia izan behar da:

a) Ordenantza udalaren urteko plangintzan aurreikusita egon behar da (39/2015 legearen 132art).

Plangintzan aurreikusita dago.

b) Administrazio Orokorreko Teknikariak justifikatuko du Bermeoko Auzo Alkateen Ordenantza onartzeko beharrezana eta erregulazio oneko printzipioak errespetatu direla.

Justifikatu du.

c) Hala dagokionean, ordenantza aldatzeko proiektua edo aurreproiektua prestatu baino lehen, kontsulta publiko bat bideratuko da Bermeoko Udalaren webgunearen bitartez, eta jasoko da zer iritzi duten etorkizuneko arauak uki ditzakeen subjektuek eta antolakunderik ordezkagarrienek puntu hauei buruz:

- ◆ Ekimenaren bitartez konpondu nahi diren arazoak.
- ◆ Arau hori onestea beharrezko eta egoki den
- ◆ Arauaren helburuak.
- ◆ Izan litezkeen bestelako aukera erregulatzailerik eta ez-erregulatzailerik.

Izapide hori prozeduran burutu izan da.

d) Idazkaritza saileko Administrazio Orokorreko Teknikariak Bermeoko Auzo Alkateen Ordenantza onartzeko erabaki proposamena egingo du.

Erabaki proposamena egin da eta edukiari dagokionez zuzena da.

e) Txosten ekonomikoa egin behar da kuantifikatzeko eta balioesteko ordenantzaren eragin eta erreperkusioak, baldin eta gastu eta sarrerak suposatzen



baditu, bai gaur egun, bai etorkizunean. Hori guztia aurrekontuaren egonkortasuna eta finantza iraunkortasunaren printzipioak betetzeko.

Kasu honetan ordenantzaren onarpenak ez dauka eragin ekonomikorik.

f) Idazkari nagusiak txostena egin beharko du.

Behin idazkariaren aldeko txostena izanda hurrengo pausuak eman beharko dira.

g) Informazio batzordeak erabaki proposamenaren irizpena eman beharko du.

h) Osoko bilkuraren ordenantza hasieraz aldatzea onartuko du, gehiengo soilez, 7/1985 Legearen 22.2.d eta 47. artikuluekin bat etorriz.

i) Informazio publikoa eta entzunaldia gauzatuko dira, interesdunek 30 eguneko epean erreklamazio edo iradokizunak aurkezteko. Hasierako onarpena webgunean, ediktuen taulan eta Bizkaiko Aldizkari Ofizialean argitaratuko dira.

j) Hala dagokionean, ordenantzak pertsonen eskubide eta interes legitimoiei eragiten dienean, Udalak webgunean argitaratuko du testua, ukitutako herritarrei entzunaldia emateko eta beste pertsona eta entitate batzuek egin ditzaketen ekarpen gehigarriak jasotzeko. Era berean, zuzenean eska dakieke iritzia arauaren eraginez beren eskubide edo interes legitimoak ukitzen zaizkien pertsonak biltzen edo ordezkatzan dituzten eta beren helburuak arauaren xedearekin zerikusi zuzena duten antolakunde edo elkarte legez aitortuei.

Legeak ez diosku entzunaldi hori noiz burutu behar den, baina praktikan egoki ikusten da entzunaldi hori informazio publikoaren fasearekin batera egitea, proportzionaltasuna, efikazia eta efizientzia handiagoa bermatzeko, eta, beti ere, herritarren eta elkarten eskubideak erabat errespetatuta.

k) Osoko Bilkurak aurkeztutako erreklamazio edo iradokizunak ebatzea eta behin betikoz ordenantza onartzea.

Hasierako onarpenean ezarri daiteke erreklamaziorik izan ezean Bermeoko Auzo Alkateen Ordenantza automatikoki behin betikoz onartuta egongo dela baina horretarako arduradunaren txostenean oinarritutako idazkariaren ziurtagiria beharko da alegaziorik egon ez direla egiaztatuz.



l) Erabakia eta aldaketen testua argitaratu beharko da Bizkaiko Aldizkari Ofizialean, Bermeoko Udaleko gardentasun atalean eta ediktuen taulan eta indarrean sartuko da BAOn argitaratu eta 15 egun igarota, 7/1985 Legearen 65.2 artikulua erabera.

Ondorioak

Espedientea aztertu ondoren, Bermeoko Auzo Alkateen Ordenantza onartzeko proposamenari aldeko txostena egiten zaio.

Hori da nire ustea, zuzenbidean oinarritutako bestelako irizpideen kalterik gabe. Hori horrela, Osoko Bilkurak egoki deritzona erabakiko du.

Informatzen doguna, legean oinarritutako beste edozein txostenen kalte barik.

Bermeon, 2021eko uztailaren 12an

Karmele Muñoa Arrigain
Idazkaritzako AOT



Agiri hau benetakoa dala udalaren egoitza elektronikoan egiaztatu ahal dozu.

Kodea:
07E5000738DA00G2V3A9N8C9K0

Sinadurea eta data

MIREN KARMELE MUÑO AARRIGAIN-IDAZKARI AKZIDENTALA - 12/07/2021
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 12/07/2021
14:03:05

EXPEDIENTE ::
2021IDA_ERA_0179
Data: 12/07/2021
Lekua: Bermeon
Erregistro unidatea:
Erregistro nagusia

CSV: 07E5000738DA00G2V3A9N8C9K0

